

中國方志叢書·華中地方·第五二七號


據

清·范祖述著
清同治三年手鈔本

影印

浙江省

杭俗遺風



成文出版社有限公司印行

01/0575
sk50/10



10101655

中華民國七十二年三月臺一版

杭俗遺風

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號


台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號



序

夫輜軒問俗陳風不廢於周官詁訓方言辨物特詳於爾疋續夢
梁之錄追想繁華訂代醉之編愴懷閱歷蓋識雖渺小不賢者亦
廣其傳意在闡揚後死者敢辭其責而况南朝金粉都付飄零魯
國螢光盡成灰土遇潯陽之適婦已為估客之妻逢天寶之宮人
能記霓裳之曲鶻啼蜀道鶴語堯年此懷古者所以村心傷情者
因之掩淚也吾杭龍飛鳳舞開南宋之興基紙醉金迷寫西湖之
佳景南柴北米珍聚樊樓東菜西魚莫誇宋嫂幕天席地名都則
冠蓋如雲選月評花雅集則樓臺不夜是以徐冲晦之家訓錢塘

永絕兵戈林和靖之隱居孤嶼儼同蓬島自邀靈於泥馬跨永固
於金牛代出名賢人稱福地何意羔羊換奴蒼鳥驚飛五百年忽
過奇災千萬戶慘遭烈禍庚申一厄流離鄭俠之圖辛酉重罹寇
酷黃巢之暴天胡此醉石亦能言難書亂後之離情真問平時之
樂事矣吾友范君月橋聞名流武林佳士幼承慈訓無慚晝夜
之家風有班姬嘗設談經之座季弟則請纓投筆豪過終重閨人
亦擊鉢成詩名濟道蘊堂上含飴自樂膝前變婉皆佳俗家慶之
翔和集人問之艷福乃以閨嬌之遊正值浙江之變一門殉節痛
心當道之豺狼三市無依聊作南飛之鳥鶴楚囚對泣傷懷舊日

山河漢祖歸來非復新豐雞犬感滄桑而宮恨憑楮墨以自娛紀
枕俗之遺風索鄙人而作序聽鄉音之如夢默默此情痛同病之
相憐依依故土僕亦身經浩劫惟此鞠凶荆夏既畢命於寒泉幼
子復隨身於賊壘幾經白刃魂飛鋒鏑之餘歷之黃梁夢斷關山
之阻遁湖而息喘思去國而傷心恐華表之歸來已非故我念
玉關之生人尚在何年讀此一篇起予三歎夫街談巷語不妨諱
乘之搜越客吳吟能愈幽憂之疾過屠門而大嚼稱道全盛之時
澆魯酒以消愁亦備應酬之選雖童謠及諺亦未雅馴而補戲拾
遺事堪考訂以視板橋作記北里名篇但爲閒情無關風化者相

去遠矣時

同治三年歲次甲子六月同里西藩林真書於三小寓次

二
海島山外石

杭州遺風序

杭州素稱繁華之地吳山既多勝景西湖又蜀名區俗語故有上
數天堂下數蘇杭之說以予生長是邦日見夫四時行樂繁麗紛
華誠有無美不備應接不暇者凡自古及今所有古跡俱有誌書
記載予均不錄茲所記者不過一切俗情故曰杭州遺風憶自道
光年間起至咸豐以來三十年中其制作之瑰麗享用之奢華下
方翻巧百計爭妍實有愈出愈奇之勢可稱盡美盡善之觀茲於
咸豐庚申辛酉粵匪兩次竄陷男女除殉難幾至百萬外其餘皆
被擄殺間有先遊他省以及被脅逃出者已十不獲一矣所在山

水之勝景物之華莫不踴躍殆盡蹂躪蕩然可勝悼哉後之慕此
名者不幾無所考乎予既生逢其時親睹其盛故將美景良辰逢
場作戲以及一切風土人情詳悉縷叙庶使真情實事不致湮沒
無聞雖非有關世道之文亦足以見昇平之盛於以知夫天堂之
喻非誣云爾是之為序

同治二年歲次癸亥孟秋之月錢塘范祖述月橋氏著於閩省之

興宜閣

杭俗遺風目錄

時序類

太歲上山

龍燈開光

西湖探梅

天竺香市

下鄉香市

三山香市

清明踏青

半山觀桃

佛誕放生

龍舟競渡

元帥會場

六月夜湖

藕香看荷

火神誕會

雷誕夜香

中元接祖

蘭盆勝會

地藏香會

湖山賞桂

中秋斗香

江干觀潮

重陽登高

九皇斗壇

霜降行兵

茶坊菊景

吳山賞雪

雨空僧榻

年市喧嘩

除夕歲燭

萬家烟火

祀神日期

祀祖日期

樂善類

普濟堂

清節堂

育嬰堂

義學館

濟仁堂

棲流所

拾材局

瘞埋局

收買字紙

義民救災

齋十僧會

水陸道場

聲色類

戲班

堂名

歌司

徽詞

南詞

灘簧

花調

大書

道情

戲法

隔壁戲

木人戲

打花鼓

花鼓調

蓮花樂

吹鼓手

談孔雀經

吹唱焰口

敲打焰口

水火煉度

婚姻類

傳紅

下盒

發奩

婚嫁

三朝

回郎

餽房

上門

壽誕類

生子

寄子

生日

萬壽

喪事類

批書入殮

三朝拈飯

七七追薦

百日過祥

八

首二中元

開弔舉殯

除靈點主

作靈安奠

排場類

厨司

茶司

攪伴

搭彩

練結

執事

埠夫

素儀

儔品類

大先生

二先生

牆門孫

土戶兒

八脚行販

空相馬兒

忙幫將軍

賬房老爺

女工類

設帳

磨紙

糊錠

綉線

店工

落經

收生

尼菴

飲食類

羊湯飯

什兒飯

蘇州館

蘇州館

天竺飯

余樓兒

冰鮮魚

四時點

馳名類

五杭

四昌

各舖

各藝

備考類

三個半

雙吊墳

朱養心

回回堂

西湖異

玉泉魚

百獅池

梅花碑

7

12

杭俗遺風全卷

錢色賀康功 崇善人家本

錢塘范祖述 月橋氏著

時序類

太歲上山

立春前一日杭府將總捕理事水利三廳仁和錢塘二縣着朝服
坐憲轎全副執事親往慶春門外迎請勾芒之神其神先期查取
姓名年貌或老或少即將舊年神亭迎去燬而新塑彩畫端整仍
供於亭長約二尺許頭塑雙髻立而不坐迎時神亭之前有彩亭
若干供磁瓶於中插富貴花及天下太平五穀豐登等執事大

鼓吹臺閣地氈與歌等類紙中活牛各一隻進城先往撫憲衙門
報春官即各回本署神再行往各衙門畢供於府大門外旗木橋
該處搭廠掛燈結彩是夜燒香者通宵熱鬧次日立春前一時由
此動身上殿名曰太歲上山具山有太歲廟大殿中供至德帝君
兩旁列供六十花甲值年太歲殿左邊每年輪供本甲子太歲一
位殿右邊即供勾芒之神為對是時上山各衙門均行元寶爐護
送元寶爐者以錫造元寶式大香爐一座用四人擡此外尚有高
照燈牌大班鼓吹堂名以及拐燈等類開鑼喝道音樂洋洋每起
以敬神牌為畢若在夜間燈毬火把更加熱鬧沿途迎駕之人各

執線香即置於元寶爐內以故香烟燎繞直透雲霄一起一起魚貫徐行山上關帝廟前設供行臺茶會又以年糕黃豆夾煮任人取食名曰元寶湯以取發財順氣而已經過門口家家設祀爆竹之聲不絕行春大典天下通行果有如吾杭之勝會者乎

龍燈開光

吳山者俗稱城隍山城隍廟居山之中其左右約里許各神廟咸備焉對岸係民房開設茶店甚多有放煙樓景江樓見滄樓望江樓蘭馨館映山居紫雲軒等名其室金壁交輝雕樑畫棟匾額對聯單条屏幅悉臻幽雅懸掛各式燈景玻璃窗櫺卽磁器均皆精

乙下